

Protocol no. 63
Sezzüda da mardi, als 30 avrigl 2013 **20.00 – 23.00**

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 62 da la sezzüda da gövgia, als 25. avrigl 2013 vain approvà.

558 300.311 Cultura
Proget d'Interregg / via da cuntrabanda Uina – Damal - Sesvenna

Per quista tractanda ha il Cussagl invidà al sviluppader regional dal Forum economic illa region dal Parc Naziunal, Andrea Gilli. Ouravant tuot dà el üna vast'orientaziun supra sia funcziun, sias lezchas e supr'ìls numerus progets regionals chi sun instradats.

El lavura sco sviluppader d'economia e la piazza da lavur ais suottamiss'al SECO ed a l'uffizi chantunal per economia e turissem. El segna respunsabel pel territori Engiadina Bassa, Val Müstair, pel Vnuost ed il Tirol dal nord. Ils progets regionals sun conceptis pella dürada dal 2009 fin dal 2020 e suottastan a la ledscha federala pella promoziun da l'economia.

Ils progets sun partits insè in trais categorias:

1. Nouva politica regionala
2. PRE – progets agriculs e Biosfera
3. Promoziun da manaschis singuls

El manzuna alchüns exaimpels da progets e da sias lezchas:

- Turissem – fatschenda strategica – zonas d'hotel. Metter in valur prodots e hotellaria. Ils hotels pitschens han enorm fadia da reinvestir. Pels prossems 5 ons daraja per quels müdamaints marcants.
- Metter in uorden territoris da skis chi han fadia. P.ex. Minschuns – s-chabellera d'access.
- Sport – infrastructures per passlung VM - Furom, a Zernez – center da sport.
- Politica da terrain – p. ex. per zonas da deponia.
- Promoziun d'interprendaders, fuormaziun – export HTW.
- Progets d'Interreg, fuormaziun per creschüts.
- Energia – laina ed aua – center da S-chanf – resgia nouva Ospiz Chapella – center da competenza – progets pitschens d'Interreg.
- Il plü grond proget ais il tunnel previs d'Engiadina – Vnuost. Quel ais calssifichà suot priorità 2 – i's vuol uossa rajiundscher cha quel figüra illa classa da priorità 1.

Proget d'interreg Via da cuntrabanda Uina – Damal – Sesvenna

A. Gilli ha gnü ün'aboccamaint cul schef dal district dal Vnuost e cul Capo da Damal. Da quella vart ais previs d'eriger ün traget per bikers cumbinond la preschantaziun da l'istorgia. Quintada vain l'istorgia da Schlingia fin Sesvenna – Val Uina.

L'idea, eir davart la TESSVM, ais da crear alch attractiv, chi tegn'il biker e na cha quel passa be tras. P.ex. la chamonna Pforzheim gniss concepida cun ün local da trategn ed ün local d'exposiziun.

Il concept prevezza da preschantar l'istorgia cun tablas e cun taila. Il böt ais, d'avair realisà quai fin la fin d'october, dimena ün böt zuond ambizius.

A regard material pella concepziun da l'istorgia ha A. Gilli fingià pudü procurar prols duos Sentiners, Clà Rauch e Clà Sarott.

Per cha Sent as pudess eir preschantar in chosa stuves gnir sbuorsada la somma da fr. 5'000.00.

Vicecapo, Andri Poo: In vist'al fat, cha'l Cussagl vaiva concess be d'incuort ün credit da fr. 20'000.00 per reactivar la via veglia in üna via culturala pro'ls Puntins Ots nu bsögna quai lura la somma da fr. 5'000.00. La fatschenda dess gnir cumbinada cun quist proget.

Capo, A. Mayer: I's sto dafatt'ir qua ün pass plünavant e provar d'inserrar tuot il traget Sent – Fenga.

Facit: A. Gilli s'occupa da l'organisaziun per üna maisa raduonda cun tuots responsabels.

Böt: Eriger ün preproget – A. Gilli surpiglia da sclerir la classificaziun da quel.

560 830

TURISSEM

Zonas da quietezza, pendiculara d'access Piz Val Gronda, proposta ed appell da l'uffizi da chatscha e pes-cha dal Grischun

Dr. Georg J. Brosi, rend'attent sülla problematica e manzuna cha las lavuors per quel proget sajan fingià in vigur e chi'd ais da quintar, cha la gestiun gnarà tutta sü fingià pel prossem inviern. Causa cha la ditta Silvretta SA nun ais entrada sül giavüschi dal cumün da Sent (construcziun da la staziun da muntogna plü a val) e sül giavüschi dal cumün Valsot (spostar la staziun da muntogna vers nord) regna uossa pella sulvaschina ün grond ris-ch. Perquai suottametta l'uffizi al cumün da Sent sco eir da Valsot üna proposta da perimeter a regard üna zona da quietezza. Il Cussagl repassa la fatschenda e riv'a la conclusiun, ch'üna zona da quietezza fa sen, però be là ingio chi fa da bsögn. Il vicecapo, Andri Poo, surpiglia da tour contact cul guardiasulvaschina, Curdin Florineth, per trattar sur d'ün müdamaint dal perimeter concernent la part dal cumün da Sent.

561

DIVERSAS SCHEFS

Classa da talents

Il vicecapo, Andri Poo, orientescha supra la fatschenda "classa da talents". La PEB vuless spordscher üna tala in Engiadina Bassa ed ha drizzà la dumonda al cussagl da scoula da Sent, scha quel vezza la pussibilità da manar quella classa. Il cussagl da scoula ed ils magisters da Sent constatan a man dals sclerimaints a regard uraris, premissas chantunalas, etc. cha da princip füss quai pussibel.

Il Cussagl va d'accord cha Sent spordscha man in chosa. Scha la PEB decida da perseguitar il proget, sto gnir elavurà üna documentaziun a man dal chantun. Per quella naschan alchüns cuosts a charg dal cumün. Da l'otra vart s'interessa per quai eir l'institut Otalpin a Ftan. Decider decida la PEB e scha quai crodess sün Sent stuves gnir reglada plü cler la finanziaziun. Eir la PEB as stuves partecipar vi dals cuosts.

Gurlaina SA, radunanza da delegats 2013

La cusgliera dal dicasteri e commembra dal cussagl administrativ, Marianne Werro, orientescha sur da la radunanza da delegats, chi ha gnü lö als 4 avrigl. La halla da glatsch po preschantar ün quint equilibrà. Da la somma dals sustegns da fr. 145'000.00 ha il cumün da Sent da surtour l'import annual da fr. 14'846.00. La radunanza generala ha lö als 19 gün 2013.

Rätia – Holz / radunanz'annuala

Il cusglier dal dicasteri, Men Caviezel, vaiva fat part a quella, chi ha gnü lö a Landquart. El d'eira l'unic participant da l'Engiadina. La problematica da la resgia a Domat/Ems nun ais amo na scholta dal tuot. La ditta austriaca pretenda ün volüm annual da 300'000 m3 laina. Realistica pel Grischun ais però be üna furniziun da ca. 150'000 m3. Il rest stu vess gnir retrat da l'ulteriura Svizra.

562

ORIENTAZIUNS

U. e G. Donnerstag, Vegl Muglin

Il Capo, Albert Mayer, orientescha cha'ls patruns da fabrica manzunats survart han rendü attent sül la problematica da la via sper sia chasa e la piazza dal vaschin. Quella ais zuond stippa e d'inviern fich privlusa. Il schef da vias, Andri Poo, manzuna, cha la problematica til ais cuntschainta. Üna varianta füss da plazzar üna s-chala movibla cun elemaints da lain. Collega Men Caviezel, ais da l'avis, chi dess gnir examinà eir üna varianta per üna s-chala movibla da metal, quai our dal motiv da spargnar cuosts. A. Poo surpiglia da sclerir la fatschenda e da tour masüras, in cas da la varianta da lain culla gruppa da god.

Pendicularas Motta Naluns

Areguard üna varianta per la concepziun da la finischiun da la pista dal Sömmi vaiv'il Cussagl suottamiss quella eir als respunsabels da las Pendicularas Motta Naluns. Da quella vart vain in princip it d'accord in chosa. I ston uossa amo gnir sclerits ulterius puncts.

Ischgl / Sent

Il Capo, Albert Mayer, ha gnü l'occasiun da far cugnuschentscha cul Capo dad Ischgl e cul president dal Cussagl administrativ da las pendicularas Silvretta SA e dà ün'orientaziun sur da seis aboccamaint. Quels salüdessan ün contact cul Cussagl cumünal da Sent e spettan sül preproget Fenga – Sessenna. Da quist vain tut cugnuschentscha cun satisfacziun.

Serrada dal büro cumünal d'urant Ascensiun e Tschinquaisma

Seguond uorden chantunal serra l'administraziun seis büros sco segua:

Gövgia e venderdi, als 9 e 10 da mai 2013

Lündeschdi, als 20 da mai 2013

Varia

I vain fixà il termin pella prosma sezzüda.

Dal rest nu vain fat ingün adöver da la tractanda.

L'actuar:
Marco Fallet

Il Capo:
Albert Mayer

La trattativa nr. 559 nu vain publichada, causa cha quella suottastà al secret d'uffzi (cas da fabrica).